

# Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaata allanngortinneqarnera pillugu Inatsisartut inatsisaat (Tjenestemandit ileqqaartussaataanerisa atorunnaarsinnera aamma skattekortit aamma akileraarutinut allagartat atorlugit akiliisitsisarnerup piffissaagallartumik atorunnaarsinnera)

Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaat, Namminersorlutik Oqartussat nalunaarutaat nr. 67, 25 september 2025-meersoq naapertorlugu, imatut allannguisoqarpoq:

## § 1

1. § 2, imm. 4, imatut oqaasertalerneqarpoq:

” Imm. 4 Imm. 2, nr. 1-4, aalajangersakkani tjenestemandit atorfeqarnerminni katersaat ilaapput.”

2. § 3, imm. 1-imi oqaaseqatigiit aappai ima allanneqassapput:

“ Ukioq isertitaqarfik 2024-mit 2025-mut procenti ukiumut 1 procentimik qaffaassaaq, taamaasilluni 2025-mi qaffasissuseq 9 procentinngorluni.”

3. § 7-imi tulliuuttoq immikkoortoq 8-tut ilanngunneqassaaq:

“ Imm. 8. Imm. 3-6-imi aalajangersakkat ukiut isertitaqarfiit 2026-mut aamma 2027-mut atuutinngillat.”

4. § 7-ip kingorna ilanngunneqarpoq:

” § 7 a. Ukiunut isertitsiviusunut 2026-mi 2027-milu skattekortinik imaluunniit akileraarutinut allagartamik tunniussinnermi akileraarutit procentiannut tapiliussamik akiliisitsisoqarsinnaanngilaq akileraarnermut allagartat qaffanneqarsinnaanatik.

Imm. 2. Akileraarutinik ingerlatsiviup ileqqaartussaataanermik eqqortitsinnginnerit (nikingassutit) kingusinnerpaamik ulloq 1. januar 2026-mi akiligassanngortut inuup soraarnerussutisiassanik ileqqaarnermut aaqqissuussineranut nuussavai.

## § 2

Inatsisartut inatsisaat atuutilernerata nalunaarutigineqarnerata aqaguani atuutilerpoq, taamaattoq takuuk imm. 2.

Imm. 2. Inatsisartut inatsisaat ukiumut isertitaqarfiusumut 2026-mut kinguliinullu atuuppoq.

Imm. 3. 2026-mut Aningaasanut inatsimmi siunertamut kontomut 24.10 Toqqaannartumik akileraarutit, oqaasertaliussaq nr. 6, atorunnaarsinneqarpoq.

*Namminersorlutik Oqartussat, ulloq 29. maaji 2026*

**Jens-Frederik Nielsen**

Naalakkersuisut siulittaasuat

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut